



UNIVERSITÄTS-
BIBLIOTHEK
PADERBORN

Universitätsbibliothek Paderborn

**Petri De Dusburg, Ordinis Teutonici Sacerdotis, Chronicon
Prussiae**

Petrus <de Dusburg>

Francofurti ; Lipsiae ; Regiom. Pruss., 1679

Cap. CXLII. De Bello civitatis Insulae S. Mariae, & destructione ejus infra
secundam Apostasiam.

urn:nbn:de:hbz:466:1-11850

PARS TERTIA

Hanno de Sangerhausen VII. Mag. Gen. Ord. Teuton.
Conradus à Tierberg Senior IX. Mag. Prov. in Prussia.

Illo Tustinus pridem satus unica proles
Hoc genitus Laurens, hoc Tilemannus erat.

Hinc Clemens, Thomasque celer, triplicesque Jacobi
Ordine: ab hoc Proavis posterior meus.

Primus hic Elbingam Pronis descendit ab oris.

In spicilegio quoque Adoreæ Poëticæ ad liberos suos eandem texit
Genealogiam.

(b) Codex Regionmontanus hoc loco legit, Tussutu sed nullo sensu.
Codex Elbingensis hæc plane omisit. Codex Thorunieris ha-
bet pater Tussini, & sic etiam in suo Codice legit Beat. Fridericus
Zamelius Cos. Elbingensis ut ex Carmine jam jam Citato liquet.

CAP. CXLI.

De

Fratre Engelkone viro laudabilis
Vita de Christburg.

Hoc tempore in dicto Castro Christburg fuit frater (a) Engel-
ko natus de Westphalia, vir miræ devotionis & abstinen-
tiæ, totus Dœo consecratus, qui propter alia Virtutum opera
hoc insigne habuit in se, quod circa nudam carnem suam lori-
ca ferrea utebatur pro Camisia, & ante mortem suam quatuor
tales Loricas attritas vetustate & rubigine sic consumpsit.

ANIMADVERSIO.

(a) Engelle/ habet quoddam Chron. Germ. antiquum.

CAP. CXLII.

De

Bello civitatis Insulæ S. Mariæ, & de-
ſtructione ejus infra secundam Apostasiam.

Pru.

Hanno de Sangerhausen VII. Mag. Gen. Ordinis Teut.

Conradus à Tierberg Sen. IX. Mag. Provinc. Prussiae.

Rutheni nec dum satiati sanguine Christiano iterum parant arma ad occidendum & flagellandum & crucifigendum. Christi fideles, ut sic veniret super eos omnis sanguis Justus, qui effusus est in terra Prussiae pro defensione fidei Christianae. Congregati ergo cum multitudine copiosa bellatorum infra secundam Apostasiam processerunt contra Civitatem Insulae S. Mariæ & ordinatis insidiis ad locum competentem, pauci comparuerunt, quos fratres & Cives cum armigeris suis sequentes in Campo, qui est inter Civitatem & molendinum, hostiliter invaserunt, plures occidentes & lethaliter vulnerantes, & cum jam sperarent eos deleri usque ad internacionem, Rutheni, qui ad Insidias locati fuerant, eruperunt, & omnes fratres & cives interfecerunt, praeter paucos, qui confugerant ad Civitatem, quos hostiliter sequebantur, & post modicam impugnationem, civitatem expugnaverunt, & partim captis, aliis trucidatis, reliqui ad castrum fugerunt & salvati sunt. Destructa ergo civitate, funditus incendio cum prædâ maximâ recesserunt.

CAP. CXLIII.

De

Secunda dictæ Civitatis insulae S. Mariæ destructione.

REædificatæ civitate Insulae S. Mariæ per fratres cum magnis laboribus & expensis, accedit, quod Rutheni cum immenso Exercitu depopulatæ terræ Colmensi processerunt ad Castrum Belichovv cuiusdam Nobilis de Pomesania, dicti Jonis filii Sargini situm supra Ossam, de quo Castro exiit Fr. Conradus Sverus, de Elbingo cum multis armigeris, & habuit contra ipsos

H h hafti-